



20 19 йил. « 18 » 02

№ 08-72

« ____ » _____ 20 ____ год.

Хужжат ижроси тўғрисида

Ўзбекистон Республикаси Президентининг 2019 йил 9 январдаги “Жамиятда ҳуқуқий онг ва ҳуқуқий маданиятни юксалтириш тизимини тубдан такомиллаштириш тўғрисида”ги ПФ–5618-сон Фармони 12-банди ҳамда Ўзбекистон Республикаси адлия вазирининг 2019 йил 8 февралдаги “Давлат органлари ва ташкилотларда ходимларнинг ҳуқуқий билимларини оширишга қаратилган ҳуқуқий маслаҳат курсларини ташкил этиш тўғрисида”ги 45-ум-сон буйруғида белгиланган вазифалар ижросини таъминлаш мақсадида

Б У Ю Р А М А Н:

1. Ўзбекистон Республикаси адлия вазирининг 2019 йил 8 февралдаги 45-ум-сон буйруғи (бундан буён матнда буйруқ деб юритилади) маълумот ва ижро учун қабул қилинсин.

2. Буйруқ билан қуйидагилар:

давлат органлари ва ташкилотларида ходимларнинг ҳуқуқий билимларини оширишга қаратилган ҳуқуқий маслаҳат курсларини ташкил этиш дастури ҳамда мазкур курсларни ташкил этиш бўйича 2019 йил учун график тасдиқланганлиги;

давлат органлари ва ташкилотларда ҳуқуқий билимларини оширишга қаратилган ҳуқуқий маслаҳат курсларини “республика–вилоят–туман (шаҳар)” уч поғонали принцип бўйича ташкил этилиши белгиланганлиги;

республика даражасидаги давлат органларида маслаҳат курслари Адлия вазирлиги ишчи гуруҳлари томонидан, вилоят даражасидаги ташкилотларда курсларни ташкил қилиш ҳудудий адлия органлари ишчи гуруҳлари томонидан ҳамда туман (шаҳар) даражасидаги ташкилотларда туман (шаҳар) адлия бўлимлари томонидан ташкил этилиши ва ўтказилиши белгиланганлиги;

республика даражасидаги давлат органлари ва ташкилотларида ходимларнинг ҳуқуқий билимларини оширишга қаратилган ҳуқуқий маслаҳат курсларини ташкил қилиш бўйича Адлия вазирлигининг ишчи гуруҳ таркиби тасдиқланганлиги ҳамда ушбу ишчи гуруҳ таркибига университетнинг Жиноят ҳуқуқи ва криминология кафедраси профессори Г.Тўлаганова ҳамда Меҳнат ҳуқуқи кафедраси ўқитувчиси М.Каримжоновлар киритилганлиги инобатга олинсин.

3. Давлат ҳуқуқи ва бошқаруви кафедраси (Б.Мусаев), Меҳнат ҳуқуқи кафедраси (Г.Саримсакова), Жиноят ҳуқуқи ва криминология кафедраси (Б.Ҳидоятлов) ҳамда Давлат ва ҳуқуқ назарияси ва тарихи кафедраси (Ш.Сайдуллаев) давлат органлари ва ташкилотларида ходимларнинг ҳуқуқий билимларини оширишга қаратилган ҳуқуқий маслаҳат курсларини ташкил этиш дастурида назарда тутилган мавзуларни тушунтириш бўйича тарғибот материаллари (таҳлилий маъруза матни, тақдимот слайдлари, буклет, флаер, видеоролик ва бошқалар) ҳамда саволнома ва тест саволларини тайёрласин ва умумлаштириш учун Маънавият ва маърифат маркази (Ш.Пўлотов)га тақдим қилсин.

4. Маънавият ва маърифат маркази (Ш.Пўлотов) университет томонидан тайёрланган тарғибот материалларини умумлаштириб, Адлия вазирлигига ва фойдаланиш учун барча таркибий бўлинмаларга тақдим этсин.

5. Ушбу буйруқ ижросини назорат қилиш проректор Д. Умаров зиммасига юклансин.

**Адлия вазири
ўринбосари – ректор**



Е. Канъязов